



## !! बजरंग बाण !!

।। दोहा ।।

निश्चय प्रेम प्रतीत ते, विनय करें सनमान ।  
तेहि के कारज सकल शुभ, सिद्ध करें हनुमान ।।

।। चौपाई ।।

जय हनुमन्त सन्त हितकारी । सुन लीजै प्रभु अरज हमारी ।।  
जन के काज विलम्ब न कीजै । आतुर दौरि महा सुख दीजै ।।  
जैसे कूदि सुन्धु वहि पारा । सुरसा बद पैठि विस्तारा ।।  
आगे जाई लंकिनी रोका । मारेहु लात गई सुर लोका ।।  
जाय विभीषण को सुख दीन्हा । सीता निरखि परम पद लीन्हा ।।  
बाग उजारी सिन्धु महं बोरा । अति आतुर जमकातर तोरा ।।  
अक्षय कुमार मारि संहारा । लूम लपेट लंक को जारा ।।  
लाह समान लंक जरि गई । जय जय धुनि सुरपुर मे भई ।।  
अब विलम्ब केहि कारण स्वामी । कृपा करहु उन अन्तर्यामी ।।  
जय जय लक्ष्मण प्राण के दाता । आतुर होय दुख हरहु निपाता ।।  
जै गिरिधर जै जै सुखसागर । सुर समूह समरथ भटनागर ।।  
जय हनु हनु हनुमंत हठीले । बैरिहि मारु बज्र की कीले ।।  
गदा बज्र लै बैरिहिं मारो । महाराज प्रभु दास उबारो ।।  
ऊँ कार हुंकार महाप्रभु धावो । बज्र गदा हनु विलम्ब न लावो ।।  
ऊँ हीं हीं हनुमन्त कपीसा । ऊँ हुं हुं हनु अरि उर शीशा ।।  
सत्य होहु हरि शपथ पाय के । रामदूत धरु मारु जाय के ।।  
जय जय जय हनुमन्त अगाधा । दुःख पावत जन केहि अपराधा ।।  
पूजा जप तप नेम अचारा । नहिं जानत हौं दास तुम्हारा ।।  
वन उपवन, मग गिरि गृह माहीं । तुम्हरे बल हम डरपत नाहीं ।।  
पांय परों कर जोरि मनावौं । यहि अवसर अब केहि गोहरावौं ।।  
जय अंजनि कुमार बलवन्ता । शंकर सुवन वीर हनुमन्ता ।।  
बदन कराल काल कुल घालक । राम सहाय सदा प्रति पालक ।।  
भूत प्रेत पिशाच निशाचर । अग्नि बेताल काल मारी मर ।।  
इन्हें मारु तोहिं शपथ राम की । राखु नाथ मरजाद नाम की ।।  
जनकसुता हरि दास कहावौ । ताकी शपथ विलम्ब न लावौ ।।  
जय जय जय धुनि होत अकाशा । सुमिरत होत दुसह दुःख नाशा ।।  
चरण शरण कर जोरि मनावौ । यहि अवसर अब केहि गौहरावौं ।।  
उठु उठु उठु चलु राम दुहाई । पांय परों कर जोरि मनाई ।।  
ऊँ चं चं चं चपल चलेंता । ऊँ हनु हनु हनु हनु हनुमन्ता ।।  
ऊँ हं हं हांक देत कपि चंचल । ऊँ सं सं सहमि पराने खल दल ।।  
अपने जन को तुरत उबारो । सुमिरत होय आनन्द हमारो ।।  
यह बजरंग बाण जेहि मारै । ताहि कहो फिर कौन उबारै ।।  
पाठ करै बजरंग बाण की । हनुमत रक्षा करै प्राम की ।।  
यह बजरंग बाण जो जापै । ताते भूत प्रेत सब कांपै ।।  
धूप देय अरु जपै हमेशा । ताके तन नहिं रहै कलेशा ।।

।। दोहा ।।

प्रेम प्रतीतहि कपि भजै, सदा धरै उर ध्यान ।  
तेहि के कारज सकल शुभ, सिद्ध करै हनुमान ।।

और भी आरती व चालीसा देखने के लिए नीचे दिए गए लिंक पर क्लिक करें:

<https://bhaktimargdarshan.com/>

हम आशा करते हैं कि यह सामग्री आपके लिए उपयोगी रही होगी ।  
अगर आपको यह पसंद आई हो, तो इसे अपने परिवार और मित्रों के साथ जरूर साझा करें ।

**Bhakti Margdarshan**

